



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Annvs Diervm Memorabilivm Societatis Iesv. Sive
Commentarius quotidianae virtutis, notabilem vnius, vel
plurium in Societate vitâ functorum, virtute quapiam
insignium memoriam in menses diesque ...**

Nádasi, János

Antverpiae, 1665

XVII. Die Avgvsti.

urn:nbn:de:hbz:466:1-9625

tate sacerdotibus ad aram operatis ministrabat; diuinum officium, ac Deiparæ rosarium de genibus exquebatur; bis quothebdomadis flagris, & cilicio perpetuo corpus mace- rabat; liberalis in ærumnosos, sanos, & ægros.

Mortific.

P. EMANVEL BORGES
ET SOCII DVO NOVIT.

In Iaponia Nangasachi dum ab anno 1612. rem Christianam procuraret, posteaquam sæpè latuit, & eos à quibus ad mortem quærebatur barbaros euasit, post anni 1614. exilium re- dux, 13. Augusti. depresso in foueam capite suspensus est; & hoc demum die gloriosum agonem confecit. Et cum illo etiam

Iustranus Nangasachi 16. August. 1631. a. cat. 53. Soc. 33.

Fides.

I G N A T I V S
XINDO. NOVIT.

Ariensis ortu in Iaponia, Adriani gloriosi viri in fidei odium cæsi filius. &

Japon. 16. August.

I O S E P H V S
REOMVY. NOVIT.

Ingenis Hi duo è Seminarij disciplinâ socij Patribus, etiam in exilio, & reditione, adhæsere; Societatem demum amplexi, & breui capti, eadem cum P. Emanuele Iaponicæ fossæ ac suspendij morte affecti sunt.

Japon. 16. August.

P. IOANNES
BATHÆVS.

In patria vnâ cum germano suo sacerdote communem hæretici furoris torrentem sensit. Etenim hæretici vtrumque hunc esse Catholicum sacerdotem certiores redditi, & quidem Ioannem etiam Iesuitam, magnâ exultatione prædam nobilem in forum abripuere, stipitibus alligauere, ac vtrumque plumbeis scloporum glandibus traicere; Catholicis sacerdotes suos in odium fidei hæreticis exosæ tractari gementibus.

Hibernus Pötanz. 16. Aug. 1649. Fides.

XVII. DIE AVGVSTI.

P. MARTINVS.
OLAVIVS.

Compluti primus fuit Martinus qui Barcinonâ istuc appulso S. Patri Ignatio eleemosynam dedit. Deinde Parisiis Philosophiæ ac Theologiæ disciplinis clarus, ad Carolum V. ac post varia tandem ad Societatem venit, à qua ante hac non medioeriter abhorrebat. Sed perui- sum se aiebat iis vocibus, quas pera-

17. August. Hispanus Romæ. 1556 Soc. 4.

cri clamore in corde suo sonare sentiebat cum ipso Christi anastasis die inter sacrificandum, à Christo, quem manibus tenebat, consilium & opem exposceret. *Hic ego te volo: aiebat illa vox, in hac tibi Societate & viuendum & moriendum est. Equum est te mea non tua obsequi voluntati. Durum est tibi contra stimulum calcitrare.* Aiebat respondisse tum se: *O Domine, seruus tuus sum: ego; seruus tuus & filius ancillæ tuæ: Societatis IESV. Hæc dixisse, atque mox id voti religione firmasse. In Ro-*

Vocatio. Eucharistia.

OO 3. manq.

mano Collegio primus docendæ Theologiæ ab Ignatio admotus, Collegioque præfectus est. Socios omnes Angelorū instar venerabatur, suamque cum illorum virtutibus conferens imbecillitatem, longissimè se ab illis abesse aiebat; auditus idem ingeminare illa verba: *Opiam sociorum familiam! me miserum! qui eam nimis diu ignorans fugi! sapè etiam de eadem detraxi!* Moribundus S.P. Ignatius petiit à Põrifice benedictionem postulari pro se & pro quodam alio de Societate. Is alius fuit Olavius Ignatium morientem die decimo septimo subsecutus. Moriens illa verba meditatè pronuntiare auditus est. *Non intres in iudicium cum seruo tuo, Domine; quia non iustificabitur in conspectu tuo omnis vivens.*

Mort.

LÆLIVS

NICHESOLIVS. NOVIT.

Italus Nouellariz. 1583. incerto die. Vocatio.

Humilis.

Obid.

B. V.

CVM à Patre suo viro nobili Veronæ potestatem Societatis ineundæ peteret, ac ille constantem eius indolè laudans diceret gaudere se quòd Societatem elegisset, in quam aditus honoribus non est, hoc etiam sibi inter incitamenta fuisse respondit, vt tanta porta diaboli tentamenti occluderetur. In tyrocinio volebat abiici, tractarique instar putridi cadaveris. Obedientiam enixè colebat, cum diceret voluntate suà nec onus grauius reperiri, nec feram magis immanem. Singularis eius erga Deiparam pietas elucebat. Vnde etiam dum studeret, à

Deiparæ Sodalibus ad illum deferretur plerumque totius cõtus Parthenij præfectura. Mortem illius dabo ipsis Sacchini verbis è Societatis historia. Post decimum tyrocinijs mensem Nouellariz animam agenti Lælio adstitère Angeli, videndosque se præbuère. Fuit etiam è socijs, qui testatur circa moribundi lectulum & Angelos à se conspectos & diuos circumfusus, & integerrimam Virginem, & Christum Dominum tanquam solem in eorum medio coruscantem; ac beatam illam turmam duarum horarum spatio, ac dimidiæ, quamdiu spiritus Lælio superfuit, perseuerasse. Alij quoque Patres fratresque sensere animo haud dubiam cæli in eo conclauis præsentiam ex insolitâ quadam dulcedine, quâ omnes tacitè neque quari vnde, irrigabantur.

Mort.

anno 1583.
num 54.
Angeli &
di. B. V.
Christ. Ol.

18. Aug.
Hispani
Hispani
stat. 4.
Soc. 11.

Humil.

Obi.

P. ANTONIVS

IBANNEZ.

CVM Prouinciam Præpositus Prouincialis ac Toletanam Vifitator gubernaret, multâ prudentiâ tam spiritum quàm literas adiuuit. Ad sacrosancta instituti iura seruanda (nullo humano respectu absterritus) totis viribus incubuit. Mirâ è cælo luce perfundebatur ad spiritus discernendos, & animas ad perfectionis excelsa ducendas. Primum candidæ Virginitatis florem ad mortem vsque incorruptum seruauit.

Hispanus
Cefaranga.
It. 17. Aug.
gust. 1694.
Ref. hum.

18. Aug.
1607.

Capitulum.
Mort.

Crucif.

XVIII. DIE